

نغيشة

محمد العتر

شعر

إصدارات الرواد — العدد 55 — 2000

المدير العام
مجدى أمين عريض

رئيس التحرير
سمير الفيل

أمين عام النشر
محمد العتر

مدير التحرير
ناصر العزبى

مستشار التحرير

مصطفى العابدى
محمد علوش

لوحة الغلاف للفنان : على شمس
الرسوم الداخلية للفنان : زهير زكريا الغيمى

هذه السلسلة

تابعت منذ فترة سلسلة (إصدارات الرواد)
التي تصدر عن فرع ثقافة دمياط ، ولاحظت
أنها قدمت عدداً لا يستهان به من كتاب وأدباء
أصبح لهم شأن كبير في المجال الثقافي .
وظلت الملاحظة التي تورقنا هي إمكانية
الارتقاء بمستوى الشكل والإخراج الفني ليحقق
طفرة تلحق بالمضمون الذي تقدمه السلسلة .
لهذا وقفنا وراء محاولة تطوير لشكل
السلسلة واعتقد أننا حققنا قدراً لا بأس به من
التطوير لكنه لا يشبع طموحنا ، أملين أن نقدم
الأجود والأجمل في مستقبل الأيام ، لتواصل
" سلسلة الرواد " تألقها وتقديمها لعدد كبير من
رموز الحركة الأدبية في دمياط .

عثمان فؤاد برعى

رئيس الإدارة المركزية
لإقليم شرق الدلتا الثقافي

إهداء

أهين ..
يا اعز الحبايب
يانسمة يُستأنى
منديل ستان ..
ومتزين بياسمينا ،
ريحة الأحبة .. ،
ولا متهياالى .. ؟!
بردانة بصة عنيا
والشمس ..
.. لفانى

محمد العتر

تصدير

صباح الانشراح
والود .. والسماح
ونظرة .. الرضا ،
صباح الخير يا بكرة ..
يا فكرة جايبة فكرة ..
يصفاء .. الأفئدة ،

صباح الابتسام
واللهفة .. والسلام ،
يا شمس .. مشرقة ،
تهدى القلوب محبة ،
والخطوة حبة .. حبة
بتعشق .. اللقاء

صباح الخير يا نيلى ..
ياصفحة لون أصيلى ..
يا نبض الأوردة ،
أجمل صباح يا قمحى ،
بشوفك لون ملامحى ،
ومندى .. بالندى ،

صباح الخير يا علمى
يا غنوة شوق لوطنى ،
يا كتاب مفتوح يا قلمى ،
ياحبى .. للفدا
صباح الخير ..
يا مصر !!

وهج الموت

إهداء إلى روح الكتورة بنت الشاطيء

إزاي
قدرتى على السكوت
وسبتي فيك الموت ..
يموت ،
وأنا اللي بحروفك بافوت
إزاي .. قدرتى ؟!
تطفى فى وشوشنا
الابتسام
وتد بلى لغة الكلام
زهرك وريحته فى القلوب
إزاي .. قدرتى ؟!
وإنتى اخضار المسافات
البعيدة ،


ووهج الضى فى وش
الزمان ،
يا صفو الأمس ..
كرهيتى الهمس ..
وعلمتتى معنى أكون
ويكون لى .. صوت
وازاى قدرتى على ..
السكوت

كان دايمًا باب الوقت
فى وقتك مقفول
على دعبتك فى الكتب
المصفوفة ،
على حيرتك .. فى أصل
الإنسان .. !!

إزاي .. قدرتي
يافاكهة الضوء ..
يالغة النور ..
ياضوء الأكوان ..
يا لؤلؤة الروح
وحبات الطل على ورق
... .. القلب ،
هل ضاع الأمس ..
في وهج الموت ؟!
وبوح الشمس أتواري
في قلب عناقيد
الصمت
لملمت حروف الحزن
أغسلها في بحر غيابك

وكتابك .. عناقيد
لبساها صدور أحبابك
فينك !؟
تفتحى بابك ..
وتزلزلى قولك ..
فينك .. ؟
تعدلى فينا انحناءات الحروف ..
وتخلى شوفنا يشوف ..
وتجلى فينا البصيرة
ولا نويتى تسبيننا ..
جو حد البكا ..
وجوه خوف .. الخوف

سامحيني
يا شعاع الشمس ..
المغسول
يابنت الأصل ..
الموصول
بملى القول سامحيني
كان قصدى أكونك
مش قصدى ألومك
لكن قصدى ألوم
الموت .. !!



الكراسة الأولى

- بشویش
- من جوة الغنى
- دقاتر موتى
- متهالى
- من كام شتا

بشويش

الوقت بيهرب من تحتى
وأنا واقف أتفرج على
نفسى
وبحب الفرجة
واعد سنين بتشيب
وبقايض على روحى
بلحظة هجرة .. أو لحظة
اشوف شوفى الممدود
كسرت سنين الرهبة
ودست الوجع اللى
لازمنى
من أول ما خطيت ،

وطيوت أحلامي
ولحظة طيشي
ورجعت أتسحب بشوئيش
واربت الشيش
وواريت جوايا الرغبة
غلبتني الرغبة ..
وسبت مسافه
لوهل الصبح .. وخش
ضياه .. صحاني
أو شال من فوقى ..
غطايا
واتنبه .. إني .. دشديش
كل اللي بنينه .. فتافيت
ع الأرض

وطيت على باقى العمر ألمه
ليقت الباقي رثوش
ع الشيش
فرجعت اتسحب بشويش
متعلق فى صبايا وخوفى
وملامح .. أمسى
وفى صوتى الخافت
اشتهدى احساسى وناسى
واهرب من حلمى الخايف
منى
جوة دروب
كنت ارسما وترسمنى
نقسم مع بعض الهمس
ونسقطعم ..
طعم الريق

وعيوننا البكر ..
بتقرا بصوت
ما احنا ما بنخفش الموت
ولا بنخاف غير لحظة
لما دروبنا تلف ضهورها
وتقطع كل ما فينا من
احساس
فينرجع نتسحب
بشويش ..
بشويش .. !!

من جوة الغنى ..

باخلعنى من كل هدمى
واحلم بالثبات .. ،
والقلب المبهوت ..
بعشق البنات ..
غرقان فى نشوة إبحاره
وإنت .. إنت لما تطلّى
من جوة شيش الليل
ومسالك .. يفاتحنى
ريقك بيروى السكات
وضحكك أمنيات
عزفى اللى ابتدى يحرمنى
من بدرى النغم
فتشت عن روح قديمة

قبل ما أنتعبل فى الذكريات ،
وقبل ما أتعلق فى الحبال
حببت البص عليك
من شيش الشباك الواطى ..!!
وأقف فى البرد
وسحابة بتقف على سهوة
بيبان الدنيا فى وش
الشمس
وانت .. لا سامع لك صوت
.. .. ولا همس .. !!
صمتك دغدغ جوايا حنينى
وسنينى الباقية
خايف ما تكفيش

لسة باقيلي في الهوا ..
معاك ..
ولا ما بقيش ؟!
لميني من نزفي ،
وزفي نجومك ،
دا أنا راسمك على كفي
وراسم يومك
قد اشتياقي للبراح ،
وقد عشقي للسفر
يا .. آخر الأحلام
ابدرى حروفنا للرياح
خلي كعوبنا تتغرس
جوة دوار الشمس

نجمع ما بين اليوم
وبين .. الأمس
أفرشى لقلبي عش
ريش .. ،
وعلميه .. يرتاح
طلّى بحفيف الهمس
من جوا الغنى ،
ومدى .. إيدك
ما تخافيش .. !!

دفاتر موتى

من غير ما أخاف ..
وحشتينى
مع إنك دايرة فى شراينى ،
وشرايينك
فى ثنايا العمق .. ،
طواحين الحلم .. ،
وبؤجة حواديتى .. ،
وملامحك ..
فى شقوق الضوء
ودفاتر موتى ..
فى قميص الرغبة ..
الماسك فيك ..
وشعاع الصفوة ..

صبحك تسبحي
وصياح الديك
او عى تصحيني
وسبيني لغاية ..
ما أصدق روى
وأصدق إنك ..
طيبتي جروحي
وإنك جنبى ..
متمدد فوق كرسى
فراغى
وتايه فيكى
وفى عزفى
مش خايف من جوع الريح

مش خايف
من طوية جسمى فى جسمى
وتعليقى فى طرف شراعك
فى لهاث الشمس
وطعم يقينى الجارى
فى وريد الصمت
متأكد من إني غرقت
فى أوجاعك
وبفعل الفعل رضيت

على بيلم أول موجة
صبيت الروح ..
وكرهت هروبي
لملمت شقوقى المحفورة
فى جبينى

وبقيت الباقي في سني
وقلعت عباية موتى
وركبت شطوطك ..
اوعى تصحيني ..
لغاية ما تقول لبحرك
يغويني
وساعتها ..
مدى لى ايدىكى وخدينى
وضعيني بشروقك
وسبيني ..
أفرد ظلى وأتعاقر
قبل ما يبدأ تكويني
يتأخر
يتبعثر منى ..

تبتهت فيا الألون
ألضم تجاعيدى فى
ذاتى
فى سنين الفضاء
واخنق فى وريدى بايدى
جريان ..
الدفا .. !!

متهياالى

من غير ما أنا كاشش
أو خاشش فى هدومي
هشيت من جوة عنية
تهيوأتى للفرح المرسوم
صبيت الصبح ..

على الصبح
فتشت فى عيون الغربية
عن الصحبة
من خلف شبابيك
الصدفة

ومن خلف القلب
تترجرج فىا الرعشة

الم سكاتي من بين الجلد
يخفينى مسايا فى
صدرى
أهرب من جرحى ..
ومنى
وأصب الصبح على ..
الصبح
وانفض .. وجعى
لما اسرح فى حبالى الدايبة
وايقاع الرقص المجنون
يطوح قلبى ..
ويطوحنى
أعد الحول
من قبل الحول

اتعلق فى قميصى
وفى شمس ضحايا
أنفض عنى قشر .. بلاد
التوهمة
وأجرى فى عروقى
الهسهسات .. !!
ألضم فى حروف البسمة
وأقرا الآيات
مهزوزة قرايتى
ومرايتى المكسورة
قسمت لى الشارع نصين
رسمت لى الحرف
الآخر ..
قبل الأول

حسيت العالم موزون ،
مجنون؟؟
ولا متهياالى .. !!
ساعة ما بصب الصبح ..
على الصبح
الدنيا بتتهياالى
لكن
وجعى الساكن فى دماغى
ومش راضى يسبنى
لسة بيشربنى
وبيغطس ..
فى طراوة الليل .. !!

من كام شتا ..


ريح الطريق ..
بيشم ريحة الحرف ،
الذن جف ..
والنور .. نرف .. !!
اترسمت الصورة على
الازاز ،
هزاز فانونسها ..
متعلقة في حباله .. ،
وطيفها أكد إنها على باله ،
قلب الصبية المستحي ،
مستى يجى البسوطجى
ينده على عز العزاز

لساك يا أمس مستنى
وراخى حبل .. الوداد ،
لسة لسيرك .. شط ،
لساك بتقدر
تمد الايد .. وتوصل المقطوع ،
لساك .. يا أمس
بتحب الرجوع
انوى السفر انشاله
ع العكاز
وشيل دليل العمر منديك ،
يمكن حمام البوح .. يناديك ،
تخرجها م القفص الجريد
عناقيد ..
على صدر اغترابك

وغيطان عنب .. تغاريد .. بلابل
وتكعييات لبلاب
يكسر براحها انكاسار الباب ،
يا ه
من كام شتا .. ماخبطوش لحباب

ورق السفر مطوى
جوة ابتسامة الجراب ..
غرقان .. عشم
ونبض الصمت .. هزازة ،
مين اللى كاسر إزازة ،
ومخلى برد الشتا يغطيك ..
شربت .. عطشك ..
وواخد .. غربتك .. دربك ،
مين اللى ضربك بالرصاص ..
ولا بالصبار ،

ولا يحزن الشمس
ساعة مايجى تغيب ،
الحلم عيب ،
والوشوشة .. سرقة ،
وجاية البوستجى لسة
فى علم الغيب ،
ارجع من الأول ..
وابتدى التكوين ،
من غير ما تكتب رقم
أو ترسم حدود ع السلم الممدود ،
عدى ولا تهديش
سافر بعيد قوى .. وحطها فى عنيك
!!



الكراسة الثانية

— نغيشة
— رحلة
— رحيل
— مُهَج
— مساءات

نغيشة

كام مرة قال لى
" أنا اتسرقت " ،
وأنا كنت أقول له
بس إنت عد الوقت
واحسب كويس
يمكن يكون العمر
متخفى ،
ورا أى حاجة ..
ومستنى ،
حذارى من خوفك ..
ومن لهفتك
استطعم الصبح
فى حلمك ..
وطول خطوتك ،

ساطع
ياضوء الأسئلة
ومنطلق .. سابق خطاه
مادد صوابه .. ،
يظبت الساعة ..
ويفتح الشبابيك .

هون ساعات الغربة
بسكون الساعات
وادفن جنون الرغبة
فى جنون السكات
املى كفوفك ..
وعبى صدرك .. صمت

سيبك من اللي يقول
إن الغنا .. مسموح ،
وإن الكتاب .. مفتوح ،
وإنك عشقت
الرحلة .. لا الترحال ،
ومباهج الضحكة
وراحة البال
لايفة عنيك
طول الطريق ..
والسفر
خايفة عنيك
الغربة ولا السهر ؟!
خبي اندهاشك
واشتياقك .. وابتدى ،

انسى إن يومك مات
واتعلم الأوقات ..
اقرا رجوع الصدى
وسع اتساع المدى
وأعشق صراخ الريح

البرق كان مصابيح
الفرق فى السرعة
ما كنش صوت ..
ولا كان
غير نغبشة ألوان
جربت صوتك ..
ردلك ،

خبيت همومك ..
في الكلام ،
مليت ضجيج الصمت ،
ولا اتساع الأسئلة ،
ولا انتظار جوة ..
سراب الانتظار .. !!

رحلة

وحلمت إنى فى رحلة
سفر
وإنى قاعد على كف
القمر

ألم آهات العشاق
ودندنات الوصف
لا فرق عندى .. بين
الضحى .. والمسا
ولا بين نفيخ الشمس
فى وش الشتا
أو اغتصاب النهار ،
أو حتى بين بكا البيوت
لملمت اشتاتى وآهاتى
واللى باقى من سكاتى

وقلت أغنى
كان للغنى طعم البكا
معرفش ليه .. ؟!

بين الليالى والليالى
القلب متسوح ..
والدنيا دايمًا خالية بية
ترميه فى حضن ..
الهوا وتسبيه ،
وساعات ..
تضمه .. وتواسيه
وأنا بين سواقى السفر
متبحتر الأضلاع ..
مسروق الحلم ..

وعمرى ..
من قبل ما اعيشه اتباع ،
والباقي بيستأصل منى
لكن .. فى هدوء
متعلق فى حبال الضوء
ولا ..
متعلق من وسط عنيا
وعمال .. اتطوح

لقت ضفايرها الأرض
ودرات .. بيا ،
انقطع الخيط الواصل
بين نفاسى ،

اتزحمت لياليا و غاصت
... .. فيا ،
دقات القلب ..
بتسبق دقات الساعة
محبوس الصدر ..
في قلبي .. صراخه ،
كل ما يرفسني سؤالي
اتدحرج مني
تتلخبط في عنيا ..
الألوان !!..
مشقوق البطن ..
وقادر ..
أعدى ،

مش قادر ..
أحدد ..
تكوينى !!..
نعكشت بإيدى
كل آهات العشاق
وأنا ببلع ريقى ..
واستطعم طعم الريق ،
صحيت على أن الحب
فى هذا الكون ..
مش أكثر من ..
تلفيق !!..

رحيل

ياروح ..
ما بعدك .. روح
شمس الأصيل ..
بتنوح ،
مين اللي قالك .. روح ،
راجع كما المدبوح ،
أزاميل .. جروح
بتشق قلب السما
نافذ ..
جرح السنين ..
مادد
إنسان .. لسان ..
مشبوح ،

مصلوب على حرفك
وقت الأذان .. منسى ،
فتش معايا ..
ولتقاس اسمي ،
داعبته .. وداعبني ،
لملمت فيه .. الدفا ،
وصمته .. راعبني ،
كان نفسه يفضل
في حضني ..
ولا .. يسبوش .. !!
نهنت جوابيا
وخبتي ،
وعصرت دمع القلب ،
لما .. ملقتوش

سبحان .. ما صبرنى ،
كان نى عىنى .. وكنت
أنا نبضه ..
ساب الكتاب مفتوح ،
على إنه راجع ..
ومرجعشى ،
دا لإن لسة الكون
جحود ،
آمنت إنه .. مبقاش
يفرق
وآمنت .. إنى
ساعة ما كانت دبدياتك
ع الرصيف
كان خوفى .. خوف ،

قرفصت جوابيا ..
وبسملت ،
صوتك .. يشاور
إنما كان موتك أسرع ،
مين فينا كان .. مجنون ؟!
ومين بيضحك
على التاني ؟!
تحتار ما بينا المسافة ،
نمد إيدنا للحدود
ممدود بطول العمر
ولا اللي باقى ارتعاشة
يا تمد إيدك تاخذنى
يا مد إيدى ..
أجيبك

مش طايق اسمع
نحيبك ،
ولا ريح بتعزف زفتك ،
ع الموت
ما عرفش بحروفك ..
أفوت ،
ولا فى عين الشمس اللى
بتسافر ..
رحيل
يا نن عين الصبح
متمدد ..
قتيل
عايش .. خروجك ،

وأنا عشت فيك ..
دنيتي ،
من فين .. لفين
موصول .. بحرفك
سنى اللى .. باقى
ولا اللى راح ..
منى
من قبل ما اغرق فى
انتشالك
أو تكون .. مسكون
نون
أخرت ما بيا من جنون ،
إنك فاكرنى .. قابلتك ،
أو لسة باقى لى ..
أكون .. !!

مهج

نبض أرتعش ..
نور الفتيل ..
بيلم خيط الليل ..
جوا إبتئاس الوقت ..
وتكوير المدى ،
مواسم البشرى ..
راكبة خيول الريح ،
وجلجالات الوهن ،
مصاييح .. بترقص ..
والنغم نبض الوريد ،
ندا المؤذن ع المآذن ..
... .. ضيا ،
ويقين شعاعه ..

مهج ،
الأرض .. ساكنة الروح ،
فزع سهيل البوح ،
(ليه يا بنسج بتبهج ..)
والحزن مالى الدروب
أكوام جرايد ..
تحت عقب .. الباب ،
وعيون خلف الإزاز متحجرين ،
خمسين قصيدة ..
وخمس جروح ..
عمودين بيحكوا عن صراخ ..
الوجد ،
بس .. الصدى .. مبجوح ،
حتى هسيس الاشتياق ..
اتخرس ،

وجع الغنا ع الشفايف ..
ونس ،
فوران براد الشاى ..
ع النار ،
والصرة العايمه
على وش .. الكوباية ،
والشفطة بصوت مسموع ،
بيغطى عليها ..
خشخشة الصدر الموجوع ،
علبة دخانه ..
وجهاز تسجيل
سرحانه ..
فى " ليه البشرى اتجاهلت ..
اسمه " ،
ورغيف ملقوم من حرفه ،
وطقم سنان ..

راحة ايده ع العكاز ..
وخياله ..
اللى بيرسم جسمه ،
بيفوت من بين رجليه ،
وعنين بتبص .. عليه !!
قبل صباحه — الجاى —
ما يشقشق ،
سمع باقى الغنوة ..
— لنفسه —
واتمدد على فرشاه ..
.. .. ولا ..
قمش ، !!

مساءات

هاجت مساءات الوجد
وأنتشى فى ضلوع السنين
كان الضحى .. واقف ،
على ناصية نهاره ..
ماحسبش طول انتظاره
والصبح مقطوب الجبين .. ،
ريح السفر ..
ووشوشات النداء ..
وعطانة الريق .. أبريق بيغسلنى
بماء البوح
والروح بتتهج ..
والسؤال مجروح ..
عزف الهواجس ..
على الوتر .. ،

صوت الغنى المدبوح
الملك لك .. والامتثال
واحنا اللي بين الضوء خيال ،
على صراط الصمت ،
مرصوصة القصيدة ،
راسمة دواير ضيها
على سفوح الجموح
ح تروح لآخر
ما يشتهي حلمك .. ،
وتعود كأنك ..
سكنت الصعب ..
وعشقت السكوت ..

حُط الرحال
واقرا اللي ساكن
فى نور الصبح من لغة النهار ،
طهر بحبات النداء حلمك ،
وجع أغترابك يهون ،
أرسم فى صدرى الصمت ..
نعناع الفرات
ومواسم الغنا فى الوريد
لملم دروب الوقت
وأتعلم تعيش
أنشر بوسع الكون دعوتك ،
ما تكنش أبدا خجول
ووضى نبض الروح

بخواطر الترتيل
وترنيمات الدعا ،
كأن بيك جسر المدا ،
وبعلمك
ما تيسر من ندا
تقرا انتشالك
من سبات موتك
وتعدى قبل الوقت ما يفوتك ،
تنفش بواقى العشق
وتغنى بصوتك
آخر سكوتك
غنوتك .. بتموت .. !!



الكراسة الثالثة

– وشوشة

بصة

(-)

قلوب القلوب قرب يدوب
من كثر جوعه
الخوف ملأه ..
كره الحياة ..
هجر ضلوعه ..
الرحمة يا رحمان
داحنا بنى الإنسان
أمتى النهار ح بيان
وبيان طلوعه

الشوف يمد الشوف
قهري اللي ملو الخوف
وبصة العسكر
متكهرب الأبدان

والخوف على الولدان
خلانا .. ما نفكر
بنسيب ساعاتنا تفوت
وصدورنا عاشقة
السكوت
تفوت .. ما حد يموت
واللى اتولد .. يكبر ؟

إياك

(-)

إياك تقول
إياك .. تتن
وخبى حلمك جوة
النن
اكتم جراحك جوة الروح ،
سيب اللي راح مطرح ..
مايروح ،
وإن دق صدرك إوعى
يبوح ،
لا تروح بلاد سكناها
الجن ،
إياك تقول .. إياك
تتن .. !!

هوّدة

(-)

مش بالكلام ..
ولا بالملام ..
ولا بانتظار مَنْ الفرج ،
خطوة الأمام ..
دائماً أمام ..
وبيعفى دائماً م الحرج
ياما يا خوف شربنا
خوف
لكن اللي لسة بنبتديه ،
هو ده اللي العين عليه ،
وده اللي فى قلوبنا ..
اتوهج .. !!

آه

(-)

آهين وآه ..
بتئن فى الآه ..
صوتك يا ولدى ..
ببشق كبدى ،
وحوجتى وعوزتى ..
وغربتى فى الحياة ،
ساكن ضلوع الوجع
والحيرة كويانى
أبيع عشان الشبع
وازاى أعيش تانى
آهين يا صرخة وليدى
يا جرح دامى فى وريدى
زيدى يا دنيا وزيدى
مادام ده قدر الإله
آهين .. وآه

بغداد

(-)

حضن الفرات الدم
ودجلة بيلمه
نادى الرشيد ياعم
ماحد شال همه
بغداد
ألم الجراح ازداد
بغداد
ياليل ملهش معياد
نهشوك بأسنانهم
واستطعموا ألك
دهسوك بأيامهم
قصفوا سنان قلمك
بغداد .. نخلك ببيكك
بغداد .. والصبح ناسيك
وكل ده بايدهم

إِتعنقل

(-)

آه يا بلد
لسة ما جاش ..
ولا اتولد
اللى يحبك مش عشانه
ويحب إنت .. تبقى شانه ،
ويضحى بالروح والولد
آه يا بلد
اللى يخون أهله ..
وناسه
راح يبقى إزاي على ..
سياسه
ألفين مملوك ..
فى سبيل يحموك ..
ويشيلك موته على
راسه ،

لسة ما جاش ولا اتولد
آه يا بلد
اتعنقل و وقع فى
الخية ،
ولا شمس طايها ..
ولا مية
ولا عمره الباقي ح يشفع له
وحكايته ح تبقى
مروية
آه يا بلد

خطوة

(-)

افتح كتابك
وشوف نهاية
خطوتك ،
شوف اللى صابك
من يوم ما جيت ..
لدينيتك ،
ايه اللى باقى ..
عن التلاقى ..
خطوة ..
خطاوى كتير
شيلاها طول سكتك
لا طللت حبك ..
ولا ناسك
ولا حتى باقى أنفاسك

لو كنت ما نستش
أساسك ،
وبعت بالخسة حماسك
الكل كان أمن راسك
ولا بقيت في محنتك
افتح كتابك ..
وشوف نهاية ..
خطوتك ،

موارب

(-)

قلت لها :

" عرفتكَ ..

من ريحة الحنه اللى

فى كفك ،

والشامة النونو تحت

جبينك " ،

أرخت لى رموشها

إتسحبت روى

ادارت فى سنينها

واديتنى كتابها

وسابت بابها ..

موارب

القتل

(-)

سهنتى
وسحبت ايدها من إيدى
وقالت " يا ه ،
كل دى سخنية
دا أنت بتحب بجد "
قلت لها :
" أنا عمرى بجد ما حبيتك "
اتنفضت منى .. وقالت :
" يا ه "
دا أنت بجد .. تستاهل
القتل .. !!

المشيك

(-)

ما بقتش طلاس
ولا لو غريتمات ،
بيضا ..
بياض ملاية فرش
سرير مفروشة
أو قلب حرير
متعلق على حبل غسل ،
والمشيك .. عمال يتلفص ،
منه .. وعائز يهرب ،
فبينزل ع الأرض
زى الجسم الملفوف
فى ملاية فرش سرير
.. ويموت !!

بلونة

(-)

استنيني ..
لغاية مارجع ،
انفخى فى البلونة .. وحاسبى ،
اوعى تساهيك .. وتطق
زى ما سهتتى الدنيا
وداست على قلبى ..
فاطق ،
بس الفرق .. إن الهوى
.. بيفجر صوت ،
أما أنا ..
تتلم أياتى فى كف
الريح ..
وبدون صوت ..
يموت .. !!

طار

(-)

لما صباعه طار - من ايده -
متألمش .. !!
ابتدى يتفرج على دمه
وهو بينزف ع الأرض .. !
حب .. يعده
نقطة ..
بنقطة ..
يجمع .. يضرب .. يطرح ،
الباقي يشيل !!
ولما الدنيا لونها إصفر
فى وشه
إتأكد مش إن صباعه
طار من ايده .. وبس
دا بقيت الباقي .. فى
ع م ر ه .. !!

كل دة

(-)

قالت لى ساعتها
" مصدقتش إنك ..
إنت ،
ولا صدقت رجوعك
تانى ،
أصلك لسة مسافر ،
مقدرتش ع الغربية ،
ولا تعبت ؟؟
كل ده .. وأنا .. ساكت
ساکت
حضنتى بكل ما تقدر
وبكل ما تقدر .. عصرتنى
وصحيت ..
ملقتنیش .. !!

إنس

(-)

قالت لي

وقرص الشمس دواير

على راسها .. وراسي

بابنك .. " أهبل "

قلت لها ..

أشمعنا "

قالت لي

" عبيط في عواطفك لسه "

قلت لها .. " اشمعنا "

قالت ..

" مادام مش فاهم

.. .. انسي "

رمتی

(-)

لما لقيتها في منامي ..
بتبكي ،
ولقيتني متمد من
خيبتني ،
خلعت رموشي وغطيتها
صحيت .. وشفقتني ..
رمتني ،
قمت وبصيت في مرايتي
لقتني ..
عميت .. !!

يادوب

(-)

أرخت شفايفها ..
وإدارت ورا طيفها ..
وضحكت ،
كانت زى الغرقانة
وعمالة تشاور
والباين منها يادوب
طراطيفها ،
أنا كنت شايפה وعامل
مش شايف
بصت لية وقالت ..
طول عمرك .. خايف
ياخسارة .. مالکش نصيب
فى الطيب ،

نص صميطة

(-)

كانت ريداني وكنت رايدها
من ساعة ما اتشبكت
إيدي في إيدها
وأكلنا صميت بالملح ،
كانت دايما تضبط
ساعتي
وكنت بأخر في ساعتها
لحد ما فهمتني وعرفت
إني ما أقدرش على غير
نص صميطة ..
وحبة ملح .. !!

إزيك

(-)

قدرت أتماسك
وأكتب لك
على السطر الأول .. ،
إزيك
والسطر الثاني ..
هاجت أحاسيسي
ومشاعري بتقرب لك
من فضلك
عايز تفسير لده كله
من غير ما تقولى ..
بحبك ..

وحكمت

(-)

أصلاك مش عارفة
إني مخاصم زمني ،
وهو ما صدق واداني
ظهره .. بعرضه ،
ما حاولتش أرجع تاني
وقفلت دواير أحلامي
سابقنتي ظنوني وأحزاني
لحد ما جيت تحاكميني
وحكمت
باني عبيط في عواطفى
طب عايز إنتى تجاوبيني
فيه حد يخاصمه زمانه
ويعرف بالذمة يحب !؟

هدوء

(-)

وأنا يشرب كوباية
الشاي .. الصبح
وبغير ريقى بحبة
من كيس الملح .. ،
وشوشنى فى ودنى
الجرح ،
وقال لى فى هدوء
... .. روق ،
دا الباقي فى عمرك
مش راح يكفى لغاية
... ..
ما تفوق .. !!

ننى

(-)


واربت أبواب الحلم
فى صدرى ..
وقالت :
أصلك همجى ،
وعشقك دائما مجنون ،
لمتنى فى جفونها ،
جسمى اتحلل منى ،
وكأنى .. باموت
اتلخبط لونها فى
لونى ،
ازداد السكوت ..
رشقت نى عينها فى
ننى ،
وقالت دائما تظلمنى ..
وسابتنى .. أموت .. !!

برواز

(-)

قافل إزازی
وشیش القلب ..
بیضلل
القهوة سادة
ومتسند على العكاز
شابت مواويلی
وانفض عنی المسا
ومهر حلمی ..
امتطی
عمری .. وعرانی ،
أوقات كثير تلتهب
عینی على البرواز

فوانيس وشارع
ومركب .. موت
الضئى خافت ..
والفضا ملو السكوت ،
نفسى انكرش منى ..
ما بقتش قادر ..
أفوت .. !!



الكراسة الرابعة

— وهج
— ونس
— شدو
— صهيل
— سماح

وهج

حبيبتى بتعشق الأنهار
ويتحب السما زعابيب
يتموت فى صوت فيروز
وعجوز
بيص من شيشه
ويحلب من مكاته
رموز
صمته فى صدر الفضا
أرز ضلوع وحشته
والكون بيرسم ..
من خيوط ..
الضيا
أغاني .. بالألوان

من كام سنة ..
أو كام زمان ..
أو كام من الأوقات ..
نهر السكات لما حبييتى
بتسحبه
باشوفها من دواير ضيها
المخفوت ،
وبشوف فى عينها
رعدة الليل
لما بيسمع دبدبات
الفجر ،
والخوف بيملا السكوت
ألوان كتير .. اتبدلت

وهى بتفرش ضيها ..
أرتاح
سكنت صدورنا الوشوشة
وأغنيات الريح ..
تباريح عصافير
وشرنقات الحلم أبواب
بلا مفاتيح
الصبح زارننها إتهزت
الأوتار ،
دغدغ شعاع الوهج
وجعى وآهاتى ..
لوحة لبيكسو
وترنيمات ..
لنزار .. !!

ونس

ملاحك .. وسيرتك
وصبحي اللي سافر
ومرجعشي ..
تاني !!
شجون الأغاني ..
ورسم الصور ..
وزحمة دفاتر سطور
الأمانى ،
وطول انتظار ..
سطوع .. القمر ،
حلمتك .. جنون ،
حلمتك .. سفر ،

وأد ما كنتى بتقرينى
وأوقاتك اللى بتحكيينى
وقبل ما أقولك —
بحبك —

تجربى .. تضمينى ،
أغوص فى لسعة
نهارك

وأستعيد نقشك
تهلى برسمك ..
أرتجف ،

فاتهجي اسمك ،
يجربى فى صدرى
كأنه .. المدد ،

حلمتك .. وتد ،
طفولتي .. وريحتي
وقولي في ساعة
ما يشتد بي ..
جنون الخرس
ووجع السكوت ،
حلمتك ..
أفوت ،
وأعدى برحلك لأبعد
مدى ،
حلمتك .. رضا
وراحة الوادي ..
وسكني ومدادي ،

لأنى فى عشقك ..
بموت ،
وباغسل ذنوبى
وكل الخطاوى ..
فى قلبى ترفرف ..
وترجع تجينى ..
تقولك .. سنينى
حلمتك .. حلمتك ..
حلمتك ..
ونس .. !!

شدو

شمس المدى بتجمع
صهدها .. أحجار
أوتار .. ألم
نزف المسافة
وارتعاش الضى
نقش النداء على كف
السنين
مواسم الهجرة
واشتياق الرغبة
وطول طوافى فى وهج
الليل
يتسند المعنى على
صحو الاحتمال

هفّ هف نسيم الشدو
والنّاي الحزين
أتوضا قلبى وصلى ..
لعشقه ،
لتمتمات الوجد وآيات
النخيل ،
لحرير صباحك المبلول
شذاك ،
والشمس واقفة تبجتر
نداك ،
فنداك صبحى ..
ولم تلبنى ..
لملمت شغفى وباقى
العمر ،

فى بؤجة شجونى ..
وبسملاتى ،
كل ما فاض بى الأنين
بتطلى من أوقاتى
عناقيد يقين
ياهدهدات الصفو
وفرحة مساءاتى ..
لسة اللى آتى ..
مليان ..
حنين .. !!

صهيل

هجر الحمام بنيه
وقمرنا تاهت سكته
كشف الجواب نيته ،
الصعب لسة فى اللى ..
... .. جاى ،
اشتالنى خوفى ..
وحطنى ،
رعد الإجابة ..
هزنى ،
عبيت فى صدرى ..
الصمت .. وشربته ،
وقاسمته فى لغة ..
النهار ،

سبقتنى صلاصلة
الحروف ،
صحت عيون الحلم
والضوء الندى ،
حطنتى قدام رؤيتى ،
وطوعت خطوة وجهتى
أمر من قلب ..
السكوت ،
يسبقنى صوت ،
شارد فى عكس
الريح ،
ومش سامع صداه ،
الأولة .. آه ،

الوقت مش ملكنا
والبص ع الأزمنة ،
باهت يالون حلمنا
أوجاع يا نغم ..
الغنا ،
بينك وبينى ..
مدا ،
وهجرة الأبهجة
ألفة خفوت الضى
وضلمة الفوانيس
بتهيل عليا
اشتياقى
استلهمك .. تنزِيل

وشعر صاحبنى
فى طول الرحيل
ونسى فى ليل مش
ونيس

أشتكىك ..
تشتكىلى ..
كل ما قلبك ..

يجبلى
ويهف ناحية ضلوعى
أشتهى لحظة ..

وصولك
ألتقنى بعدت تانى
عن فصولك ،

والتقى فى سطوع
أفولك

الصبا يبكى .. صباه
والأولة .. آه

.. ..

أنا المتيم
والجرح مش م الغرام
ولا من سكون
العشق

جوة الحكاية
ولا من خوف الكلام
قدر عليا خطوتى
خلفى ..

شكوتى .. حرفى .. ،
وجعى من إلفى
قدرى عليا
والقدر إلزام
يعلى سهلى ..
بالفرح ،
ومهرى إذا ما جنح
أسير وسيرى
لم أراه ..
والأولة
آه .. ،

سماح


ارسميني ..
فوق ترابك مطاطى الرأس ،
شاقق هدوم الفجر ،
ولاطم الخدين ..
اقسميني .. اتنين ، أو اشنقيني ،
وسقطى أهاتى ..
تروى .. حنينى ،
خلينى أشرب حروفى ،
واتهجا صوت الصمت ،
واعافر فى موتى ،
..

أنا لسة شايل طريقي
على كتفى .. وبتدلا ؟
لحد ما تقبليني ..
بلحظة .. سماح
ولحد ما تشبعي ..
من بكى وجعى ،
وتحسى فى بارتياح
ألقاكي متسعى
والقى حروف على صفحات
الكتابة
بتشدنى من قلب قاع المسافة
يا منتهى زمنى ،
ياقوت القلب
يا مطرى .. ورعشة الأشواق ،

أنا غصب عنى بادور ..
وادوب فى ذات العصور ،
تتزفى خلانى ،
مين اللى خلانى ،
وغمانى فى ساعة ..
ماكان الضوء بيتجلى ،
مع إنى قاصد أندھك ،
بس القصيدة عنيدة ،
مش راضية تاخذ بإيدى ،
ولا راضية .. تتخلى ،
زى الزمان المعاند ،
ايدھ بتزف .. فىا ،

لضجيج غبار العواصف
وانت إن فتحتى خيالك ،
تلاقينى رسمك فى كفى
والاقيكى ساكنة فى عنية ،
بس انشطار الحدود ،
أيام يبلغى الوجود ،
وأما ناديتى .. وجيتى ،
رجيتى فى السكون
مسكون وعشقى جنون ،
يا سكنة فى هوايا ،
وساكن هداكى ،

سامحيني .. وما تسألنيش
إذا ما خدني سبيلي
إذا واربتي الشيش
وهربت خلف الإزاز
هرولت في بحور ظنوني ،
سامحيني ..
وما تسألنيش
أنا أصلي تعبت من التدوير
..



الكراسة الخامسة

— صلاذ السفر
— وضوء
— آخر غنايا حياة
— استهوالك الحلم
— اللعب
— كل شين كان

صلاة السفر

نفس اندهاش ..
المدى
من صياح الريح
طوحتنى رغبتى
فابتديت ،
أرجع أدور ع المكان
إنما الوقت اللى باقى
قليل ،
تجرى الفصول
وإحنا لسة فى المسافة
يندهنى جوع الوقت
نتسحب سوى

يسبق خطايا ..
واسبقه
علقت روى فى اشتياق
بين انتظارى للضيا
وبين دخول الابتلاء
إتلون لوني بعشب
الجرح ،
وحزن المساء
ببطيء الخطاوى
فى طول المسافة
تتقر عصافير الصبح
إراز شباكى .. ،

أهرب خلف شعاع
الضوء
يتكوم حالى فى حالى
وابتدى تانى ..
الرجوع ،
وكان ديل الوقت
مشبوك فى المكان
لسة الوقت ما أنش
ألم العمر الباقي ..
فى عمر خريفى
لسة الوقت .. ما أنش
أالحق أصلى ..
صلاة السفر .. !!

وضوء

نويت الوضوء
وجلدي غسلته ..
بطول المسافة ..
بشمس الصباح ..
وليل الجسور ..
تطهرت مني ..
وعجزى طويته ..
وأعلنت إني .. أنا
وحتى أكون
تحسست نفسي ..
أدور في عمري
اللى كان لسة باقى

لقتنى فى غيابى
أساور وجودى
ويوجعنى صمتى
وسترى المباح
يطقطع ضلوعى
صراخ الرياح ،
أغيب عن ..
ملاحى
اللى دائماً ..
بعيدة
وأعيد فى
القراءة ،

وأعيد في الكتابة ،
وأعيدني لعشقي
وليل السهر ،
أغيب في الغياب
وطول السنين
وأغيب في الحضور
وصمت الخطاوى ..
وحزن القمر ..
بيعزف بعمرى ..
موسيقى ..
السمر ..

آخر غنايا .. حياة

إعلن عن سرقة
روحي ،
وعن رغبة جديدة
في سرقة باقى ..
الأرواح ،
إعلن عن غدر الموتى
وعن ..
كام طفل وطفلة
أبوهم .. راح ،
اتخفى قد ما تقدر
خلف الوش الثانى

طقطق في صوابك
وخذ شهيقك ..
وانقر ،
من وقت سكوتي
اللى اتصورته
سكوت ،
واتهي عليك .. موتى
هو نهاية الملكوت
صدقت ظنونك
وعشقت جنونك
تقدر تستغفر أو تذكر
اسم الله

قلبي اللي مسافر
ياما كان بيغنى
لصباحه ،
على قد ما بحترته
بايديك ،
فارد ضيه بعرض
براحه ،
فاتح شبابيكه
وقالع هدم وحشتي
طول عمره
قالع هدم الخوف
بيكوني حبايبي
ويغطوني ،
أشيل غطايا وأبصلك

يمكن تشوف ،
قلب الوطن .. وهو
بحضنى
تسمع نحيب الوطن على
اللى دماهم .. سال ،
قلبك يموت منك لحظة طلوع الروح

آخر غنايا حياة
ورغبة فى وجودى
وصرخة مش م الآه
ولاخوف على عودى
فايت ربيعى غصب
عنى ،

وحلم وردى .. بيحضنى ،
خلى اللى جاى .. يلمنى
من على الحيطان
يلف ويايا الحلم
والمواويل
ويخلى الناس النايمة
على السكة تشيل
اخر حدود الصعب
وتعدى ،
تشعل كفوف الأفئدة
والأوردة ،
وتلم خيط الشمس
من تحت باط الليل .. !!

أستهواك الحلم

استهواك الحلم ..
وعشته
رسمت أمالك ع الأسفلت
وعشقت خيالك
بحرت في بحر ،
لا كان لك فيه ..
ولا كنت
ورميت ورا ضهرك
أهلك
ركبت كتاف الناس
حواليك
ومشيت ولا همك

عديت
ما انكرش إنك
عديت
بس لغاية فين ؟
ورجعت

رجعت كأنك يا
أبو زيد
— ما غزيت —
طاشت كل سهامك
علشان مرمالك
أو هامك ..
وعشانك ..

عمرک ماکننت الفارس
.. ولا هتکون ،
أصل المسألة
مش مسح دقون .. !!
ولا ضحك على الناس
... .. وخلاص ،
كان غیرک أخطر
يابن الناس
یلرینک

— فکرت —

أو بصیت حوالیک
لکن عمرک واقف
آخر مرماک ..
بین رجلیک

رسمت لنفسك
صورة
وعملت شهيد ،
ومشييت تتطوح حولين
الحرف ،
وغرقت في سر
بدايتك
وكانك معشوق
حاسس إنك على
كف الريح ..
وطالعبك فوق ..

دخلت في سيق الألف
واختصارك للضوء
فردت قلوب الحلم
وقلت
يا أرض انشدي
الأرض إنشدت
لكن ..
من تحتك .. !!

إِعب

إِعب .. إِعب
إِعب .. قرد
إِمسك سرعك
يالآ وشد ،
دوس أْلام الناس
فِى طرِيقك ..
حتى اللى إِنت عملته
صديقك ،
ما تخليش فِى حياتك
ود ،
إِعب .. إِعب
إِعب .. قرد .. !!

العب سيكا على مزيكا
وارسم فى إزاز البرواز
البس لبسك من
أمريكا ،
وإحسبها شوف كام
إنجاز
إتعلمت تكون ..
ما تكون
وعزيزك بالسهل
يهون
مؤكد إنك حاتمد
العب .. اللعب
العب .. قرد .. !!

والدنيا بالساهل ..
تديك
وتمد حبالها ..
وترخيلك
تركب .. وتمدد على
خيلك
تنشد الأرض مافيش
غيرك
ولا قدك فى الكون
من قد
إلعب .. إلعب
إلعب .. قرد .. !!

مد جسورك زرع
شيطانى
وهمك بيخليك من تانى
ترسم بجميع الألوان
ما أنت المالك ..
كل أوان
بتعز وبتذل براحتك
والكون ده اتفصل
على قدك
ترخى فى وقت
ووقت تشد
إلعب .. إلعب
إلعب .. قرد .. !!

تفرد فى قلوبك ..
يدعوك
وبطرف صباك ..
بيجولك
والكل يامن على
قولك
تتباهى بعرضك ..
وبطولك
ويتفرح لما ..
بتهد
العب .. لعب
العب .. فرد .. !!!

العب يا أبو
الألعاب
ذوق .. ما تخافش
العب
هو إنت يهمك
خالك .. أو عمك ،
دا حتى ضميرك
م السهل يغيب
خرش .. هيش ،
وافرد .. عد
العب .. اللعب
العب .. قرد .. !!

كل شين كان

أنا مش فاهم حاجة
مش فاهم إيه اللي
مخلي الشمس .. فى كل
ما تيجى تروح بتزرم ..
فى شفايفها ،
وتغمى عنيه ..
زى أما تكون
مش عايزة تشوف
ولا حد يشوفها ..
ولا فاهم .. إيه يعنى
قصيدة كل شين كان ..
وقصيدة ليها مكان ،

أو إيه اللي مخليني
أحس جنوني بيسبق عقلى
أو متهيألى .. إن العالم كله
وكأنه أصبح فى خبر كان
أنا مش فاهم حاجة
مش فاهم إيه اللي غصبها
تحلف بحياتى .. وتكذب ،
تليس فى يادوب ..
ميكملش دقيقة ،

وتشرب شفطة من كباية الشاي
اللى المفروض إنها علشانى
قال .. وأنا متهيألى رشقت
نشانى ،
وعامل واد ما فى زيه ،
واتاريها نازلة تقابل
واحد تانى

ما فهمتش لسة الحدوتة ،
مش قاصد اتغاية ،
أو أعمل مش فاهم ،
دا أنا ريحة خجلي بتسبقنى ،
وريقى دايماً يتعنقل ،
واتكعبل فى اعتزازاتى ،
وهى بتغالط ، وتقول
الواد .. أبو قلب شقى ،
وأنا أصدقها ، وأصدق روحى ،
واتلفت حولية ..
وادور أنا فىن .. ؟
تتفرج شبابيك الأوضة ،
وعرقى يتسرب على قورتى ،

ادارة فى حيرتى
واعمل مش .. فاهم ..
وأنا عمرى ما كنتش كده خالص ،
فتبص علىّ وتشهق .. مش لهفة ،
تكبشنى فى كفة أيدها ،
وتنعس على حجرى ،
وأنا زى المسروقة عفيته ،
وسارح فى الشمس ،
الزامة شفايفها ..
.. وبتغمى فى عينها ،
أو فى قصيدة تكون
كل شين .. كان

فهرست

٧	إهداء	١
٨	تصديق	٢
١٠	وهج الموت	٣
١٥	الكراسية الأولى	٤
٣٩	الكراسية الثانية	٥
٦٥	الكراسية الثالثة	٦
٩٣	الكراسية الرابعة	٧
١١٧	الكراسية الخامسة	٨

صدر عن سلسلة إصدارات الرود

١	غنوة شوقيانه - شعر	النبوى سلامة
٢	الخيول - شعر	سمير الفيصل
٣	رؤية أخرى - قصص	محمد الشربيني
٤	شاعر الفلاحين - دراسة	كامل الدابى
٥	شبابيك - شعر	مجدى الجلال
٦	كلام لطيفين - شعر	محمد العنتر
٧	تعالى نغنى - شعر للأطفال	محمد أبو سعده
٨	رباعيات - شعر	السيد الغواب
٩	المألوف والمحاولة - قصص	مصطفى الأسمر
١٠	صدرى تسكنه غابة - شعر	فكرى العنتر
١١	البحث عن عاشور الناجى - دراسة	مصطفى كامل
١٢	مسافر يابجر - شعر	محروس الصياد
١٣	ع الرصيف - شعر	كامل الدابى
١٤	رباعيات وأغاني - شعر	السيد الغواب
١٥	أصدقاء من رياح العشق - شعر	مصطفى العليدى
١٦	الحمار والتوتنه - شعر	السيد الغواب
١٧	حمل الزمان أكبر - شعر	عبد العزيز حبه
١٨	ورد الجنينه - شعر للأطفال	هاله المغلاوى
١٩	صيف مع سبق الإصرار - مسرح	عماد الديب
٢٠	أنا وحمارى - شعر	السيد الغواب
٢١	ورود - شعر	هالة المغلاوى
٢٢	محاكمة - شعر	السيد عامر
٢٣	رباعيات الغواب - شعر	السيد الغواب
٢٤	شعر العامية فى دمياط - شعر	مجموعة
٢٥	القصة فى دمياط - قصص	مجموعة

انتبهوا أيها السادة للسيدات - مسرح	٢٦
الجنين في شهره الأول - قصص	٢٧
تتويج على فعل - شعر	٢٨
إندهش البلتاجي فمات - رثاء	٢٩
قصيدة ساذجة - شعر ورثاء	٣٠
الحاجز البشري - قصص	٣١
عناقيد - شعر	٣٢
عروس البحر - للأطفال ورثاء	٣٣
أولاد البحر أولاد نوح - قصص	٣٤
لحظة ميلاد - شعر	٣٥
يعرفون كيف يأتون إلينا - مسرح	٣٦
ريحانة الحنة - شعر	٣٧
حارة النفيس - راوية	٣٨
نقش له في ذاكرتي - شعر	٣٩
انتفاضة ترعاها السماء - مسرح	٤٠
مواويل دمياطية - دراما	٤١
وجوه منسية - قصص	٤٢
هارموني - شعر	٤٣
دراسات نقدية حول إبداعات دمياط	٤٤
وأخرون	٤٥
ذوب البنفسج - شعر	٤٦
أشعار للأطفال - للأطفال	٤٧
ناعسة وأنا - شعر	٤٨
مساحة بلون الشمس - قصة	٤٩
المنتخب من باب أحوال الراعية - شعر	٥٠
ساعة العنق - شعر	٥١

٥٠	انفجار الروح - شعر	سامح الحسيني
٥١	دقات قلبي يا وطن - شعر	محمود العباسي
٥٢	تأملات نقدية - دارسة	مصطفى كامل
٥٣	مواجهات - حوارات	سمير الفيل
٥٤	شوية كلام - شعر	كامل الدابي

رقم الإيداع

2000 / 3086

اصدارات انرواد

دار الصياد للطباعة ت : 329459